



Universitätsbibliothek Paderborn

D. Ioannis Ivsti Lanspergii Carthvsiani, Natione Bavari, Opvscvla Spiritvalia

ab ipso Autore partim Latinè, partim Germanicè euulgata

Orationibvs Variis, Et Ignitis aspirationum iaculis ad Deum, Deiparam
Virginem Mariam, cæterosq[ue] Sanctos - exercitijs item diuersis, tum
maximè Paßionis Dominicæ, eiusq[ue] matris, refertißimus

Landsberg, Johannes Justus

Coloniae Agrippinae, 1630

Aduersus omnem arroganitam, omnem ostentationem, mnemq[ue]
superbiam: item pro vera compasssione, compunctione, & charitate,
Precatio VI.

[urn:nbn:de:hbz:466:1-45928](https://nbn-resolving.org/urn:nbn:de:hbz:466:1-45928)

Actio gratiarum pro Iesu pœnossima coronatione, purpura vilissima vestitione, cum arundine illusione, falsa adoratione, alapatione, coram vniuerso populo productione, irrisione, & ad crucem denique mortemq. postulatione.

CAPVT VI.

Matth. 27.
Marc. 15.
Ioan. 19.

Fidelissime amator, nostratq. salutis autor Christe Iesu, adoro supplex te vnicum meum regem Deum & creatorem, qui propter me veluti fatuus derisus es, & illusorie adoratus: quippè cuius sanctissimo vertici coronam spineam milites imposuerunt, & chlamide occinea veluti regia purpura irridiculis te amicientes, sceptrum quoque baculum arundineum dextræ tuæ imposuerunt.

Psal. 68.

Heu dulcissime Iesu, quanta pœna, quantus cruciatus sacrosanctum caput tuum afflixit, quanta pressura, quanta angustia intus & foris æstuabas, & vndique distringebaris: Nec tamen tanti tuo dolori vlla impertiebatur ab aliquo compassio, sed petulantissima & ignominiosa omnium insultatio, derisio, opprobrium & contumelia: imò dolorem super dolorem quibuscunque poterant modis addiderunt, quandoquidem veluti regni inuasorem temeritatis te arguunt, insignia regalia circumponentes tibi illudunt, inclinando se vt regem falsum & ridiculum te salutant & vt falsum Deum adorant. At illic surgentes, iterum faciem tuam turpiter conspuunt, & alapis cædunt, dura arundine caput venerandum & dolorosissimè vulneratum dirè percutiunt, atque tandem ceu triumphum hostibus tuis in stituentes, sic miserabiliter te afflictum, videndum, deridendumq. populo educunt.

Isai. 1.

Itaque produceris tu bone Iesu, qui præ cordis angustia & corporis dolore vix mouere te poteras, & in gaudium hostibus tuis deridendus ostenderis, à planta pedis vsque ad verticem capitis doloribus repletus. Nulla tunc fuit hostibus miseratio erga te bone Iesu, quorum corda iam pridem furor liuorq. obsederat. Nam etsi ex liuore & vulnere cruentatione tam effectus es & appareres miserabilis, vt diceat Palato. *Ecce homo*, etiam videreris homini dissimilis, quippè cuius faciem speciosam præ filijs hominum sputa & cruor simul mixta operuerant, cuiusq. corpus totum erat aut sanguis fluens, aut plaga tumens nullatenus tamen flexi sunt ad misericordiam, nec vlla fuit in eis erga te compassio: nulla calamitate, nullis in te pœnis fatiari poterant hostes: quin potius atrociori adhuc in te inuidia accenti, etiam populum vniuersum contra te concitantes magnis clamabant vocibus: *Crucifige, crucifige* O pijsime Iesu, quantum afflixit pijsimum cor tuum huius malignæ plebis, cui tanta beneficia præstitisti, inuidia: quanta tibi fuit pœna, quanta verecundia, te innocentissimum virginis & Dei viui filium ibi ita ludificatum stare & exosum haberi.

Ioan. 10.
Psal. 44.

Ioan. 19.

Aduersus omnem arrogantiam, omnem ostentationem, omnemq. superbiam: item præ vera compassione, compunctione & charitate, Precatio VI.

Proinde iterum atque iterum te bone Iesu, adoro, gratias ago & benedico te pro omnibus, quæ passus es, & pro charitate qua passus es; obsecrans te per infinitam misericordiam tuam, vt omnem arrogantiam & vanam gloriam, omnem ostentationem, atque omnem prorsus superbiæ pestem penitus à me alio-

alienam facias. Non reperitur vnquam in seruo tuo, quod superbiam aut vanitatem redoleat: sed da mihi cor contritum semper & compunctum: cor, inquam, dulcis Iesu secundum cor tuum, quod charitate ardentissima, & compassione intima semper sit vulneratum, quod tui desiderium, tui memoriam semper in se teneat, te semper cogitet, in te pascatur, in te requiescat, qui es vnica pax animi (extra te enim nihil nisi durum, nil nisi afflictuum) & à te nunquam recedat, sed dextera omnipotentis tuæ semper gubernetur & dirigatur. Et igniti amoris tui quæso me purpura vestias, vt per totam vitam meam pœnitentiæ spinis sensualitatem & carnem meam coronem, & gnauiter persequar, vt sic post hanc vitam merear gloria æterna coronari, Amen.

Actio gratiarum pro Iesu post varias pœnas & illusiones ad mortem damnatione.

CAPVT VII.

GLoria gaudium, decus & corona omnium Sanctorum & amicorum tuorum Christe Iesu, ex toto corde & omnium beatorum affectu adoro, laudo, & gratias ago tibi pro afflictione & contemptu maximo, quibus tunc vndique afficiebaris, quum sic flagellis laceratus, spinis illusus, purpura amictus, manibus ligatus, & arundine pro sceptro dotatus, & tantis affectus pœnis & miserijs, Esa. 55. vt quasi nouissimus virorum factus neque speciem habens, neque decorem, educereris coram omni populo, miserabile effectus omnibus spectaculum, & audires Ioan. 19. vnanimi voce clamantes: *Crucifige, crucifige. Tolle, tolle eum, sanguis eius super nos,* & Luc. 23. *super filios nostros.* Deinde post hæc omnia tanquam impius & malignus malefactor Matth. 27. ad tribunal Pilati adductus es, vt condemnareris, ibique astans inter feroces canes, & rabidos lupos agnus mitissimus, post varias & iniquas eorum accusationes, & longam crebramque iudicis examinationem, audires super te & contra te iniquissimè proferri terribilem illam sententiam ignominiosæ crucis, atque dirissimæ & contemptibilissimæ mortis.

Pro patientia & mititate, pro sui examinatione, iudicatione, peccatorum absolutione & saluatione, Precatio VII.

Obscuro te amantissime Iesu per immensam pietatem, per magnam patientiam & humilitatem, & per mansuetudinem tuam, quam ostendisti in omnibus tribulationibus & angustijs quas pertulisti pro nobis, largire mihi, vt nulli vnquam noceam, nullum affigam aut etiam contristem aliquo mordaci aut molesto verbo aut sermone, sed semper leuis sim omnibus, mitis & patiens corde & opere. Et da quoque vt verè & perfectè agnoscam & eligam, atque perpetuè confitear corde, ore & opere te vnicum animæ meæ regem & Dominum, qui solus es creator & redemptor meus. Concede quoque mihi propitius, vt benedicti sanguinis tui virtus, efficaciter in me indignum famulum tuum & super parentes meos, fratres & sorores atque super omnes amicos & inimicos meos descendat, & operetur in nobis salubrem passionis tuæ fructum & effectum.

Præterea obsecro te clemētissime Iesu, vt tua me gratia aded impleas, stabilias & confirmes, vt nunquam æternæ damnationis reus inueniar, sed quotidie districta